

Bi uns in'n Goorn steiht all lang' een Goorntwarg un dat keum so: Dat wöhr in't Johr Tweedusendundnegen, dor heff ik mi bi Karstadt in Horborg in een Goorndwarg verkeken.

von Irmi Dreiskämper

Ik stünn an de Kass', un töv, dat ik betahlen kann, da heff ik up den Schap hinner de Kass' de Twargen entdeckt. De Utwohl is mi nich licht follen, alle hebbt so smuck utseh'n. Ik meen, dat besünnere weu jo, dat se nich so kitschig utseh'n hebbt, so ut Plastik, bannig bunt bemalt, meistins ok noch mit so upfällig rode Lippen.

Ganz stolt, ober ok grienend, keum ik no Huus un heff denn to miene Männer secht, ik heff dor wat för unsen Goorn as Dekoraschion mitbröcht. Na joh, so veel Begeisterung, wie bi mi, keum dor nicht röber.

Düt erste Foto is in dat erste Jour in Dezembermond makt woor, dor is he 'n lütt beten from.



02.12.2009



30.01.2021 bannig insneit

Nun steiht he jo schon so veele Johr bi Wind un Wehr buten, dor heff ik dacht, villicht kann ik em mol niege Kledaasch anmolen. Secht, un Farv bestellt!

Von de Mütz bet to de Stebel heff ik denn molt un rechttitig weu he denn to de Osterfierdag fertig. Vörher heff ik mol in Internet keken, ob ik villicht een niegen finn. Ober, man glööv dat nich, jümmers blots düsse kitschig-bunten ZDwargen heff ik funnen.

Denn sünd mien Mann un ik spazehren bi uns in de Stroten, un wie keumen bi unsen Griechen vorbi, un ik denk, ik kiek nich richtig, dor steiht in de Eck, 'n beeten versteckt, een Fründ von unsen Dwarg. He sütt noch 'n beeten nieger ut, mit blaue Jack un he hett de Arms överkrütz, nich in ne Tasch. An'n nächsten Dag denn, wie hebbt för Ostermondag Eten bi den Griechen bestellt, un ik bün afholen feuert. Nah'n Betalen heff ik denn mol frogt, ob ik den Dwarg dor buten för lütschet Geld köpen kunn. Dor secht de Chef: „*Ach, den haben wir im Beet gefunden, is etwas schmutzig, musst ihn sauber machen, nimm mit.*“

Ji glööv nich, wie mi dat freid hett. Tohuus heff ik ganz drollig to eerst denn Goorndwarg zeigt un denn erst dat Eten. Mien Männer smustergrienen denn 'n beeten över mi, ober denn fünnen se dat ok ganz gaut.

Nächsten Dag denn heff ik em ok glik de Kledasch nee anmolt.

Dat nächste Foto is denn ok een Sommerbild, nu is he jo nich mehr so alleen. Ik meen, de beiden föhlt sik bi uns wohl. Schön, wie se so dorstoht und gaans verdrömt in Heben kiekt.



24.06.2021, Johanni

